

私家偵探社員工
Justin

使乜監視得咁辛苦？
用 iPhone 咪得囉！

(設計對白)

係嘢！

(設計對白)

由於 Jeffrey 不方便上鏡，所以安排佢助手 Justin 出鏡為大家講解。

《竊聽風雲2》真實版 私家偵探 教路反偷聽

由於上集大收，《竊聽風雲2》即時食住條水，於緊8月18日上映。同上集一樣，片中主角吳彥祖使用各種超高科技竊聽器，睇落誇張到痺？原來現實中，竊聽科技一樣已經去到幾乎無所不能嘅地步。通過你嘅手提電話，竊聽嘅專業人員已可知道你嘅通話內容、短訊、SMS 以及位置，認真牙痺！今期「公測站」搵嚟做咗12年私家偵探嘅 Jeffrey 同助手 Justin，講下啲常見嘅竊聽招之餘，亦會教你點樣反竊聽；我哋重訪問咗兩個80後人妻請私家偵探捉姦嘅竊聽 cases，包你大開眼界。你會發現處身呢個時代，原來絕冇私隱可言！



《竊2》入面，吳彥祖飾演警方間諜，重示範點樣將1部電話變成偷聽器。

律師黃國桐：
「偷聽最高刑罰要坐5年監。」

戲裏面見到幾個主角竊聽咁有型，現實卻原來會觸犯法律嘍！律師黃國桐話：「竊聽最大問題係觸犯咗『截取通信』條例，最高可罰款5萬；攞人哋部機改裝係屬於刑事毀壞。另外，偷聽屬侵犯私隱，如果告上私隱專員公署，最高可罰款5萬及監禁2年。」所以大家千祈咪以身試法！



黃國桐